



UNIVERSITÄTS-
BIBLIOTHEK
PADERBORN

**Cursus Biennalis Studii Canonici, Sive Succincta Et
Methodica Sacrorum Canonum Explanatio**

Engelhard, Johann Martin

Moguntiae, 1700

Titvlvs V. De Magistris & ne detur aliquid pro licentiâ docendi.

[urn:nbn:de:hbz:466:1-63255](https://nbn-resolving.org/urn:nbn:de:hbz:466:1-63255)

nis, & concessæ exemptionis signum reservata fuit, ut inquit gloss. in *cit. cap. verbo Rescompensationem*, quod ipsum docet *Gonsal. in cap. 3. b.t. num. 6.* Ad probationem Respond. Paria esse quoad labem simoniæ, remittere pro re spirituali debitum, vel dare certam pecuniam, de hac enim remissione loquuntur allegata capitula non de remissione iurisdictionis.

OBJICIES. 2. Licet Ecclesiam pro annuo censu alteri locare; *cap. fin. b.t.* Ergo malè dicitur talem Concessionem esse simoniacam. Resp. Neg. antec. citato enim *cap. finali.* non agitur de locatione ipsius Ecclesiæ vel beneficii, sed fructuum tantum & proventuum, quos locari posse dubium non est. *cap. 2. de locat. conduccion.*

OBJICIES 3. Romæ Clerici camerales & auditor cameræ emunt sua officia, quibus nihilominus annexa est iurisdiclio Ecclesiastica, ergo vel malè egit Pontifex, hæc officia vendendo, vel eorum venditio non erit simoniaca. Resp. Officia hæc non venduntur, sed redditus annuatim percipiendi, quod à Pontifice ex plenitudine potestatis fieri posse nemo negabit.

TITVLVS V.

De

Magistris & ne detur aliquid pro
licentiâ docendi.

QUÆRES. Quinam *b.t.* dicantur magistri? Respond. Nomine Magistrorum hic veniunt omnes qui in aliqua scientia summum gradum.

dum obtinent, & litteras docent, aut disciplinam aliquam profitentur, quales propriè sunt artium liberalium, Theologiæ & Canonum Professores, tria autem potissimum præsentè titulo statuuntur.

primò, Ut in quavis Ecclesia non Cathedrali tantum sed & Collegiatâ, si ejus facultates id permittant, constituatur Magister, qui Clericos illius Ecclesiæ & alios saltem in grammaticâ gratis instruat; in Metropolitanâ autem præter magistrum grammatices Magister Theologiæ assumatur, qui sacram Scripturam doceat, & rudiores informet, assignatis unius præbendæ proventibus, ut congruam habeant sustentationem.

Secundo, Magistris Theologiam vel Ius Canonicum extra Ecclesiam suam profitentibus, quàm diu sunt in munere professoris, conceditur privilegium integros beneficiorum suorum fructus percipiendi *cap. fin. b.t. & Trid. sess. 5. c. 1. de reform.* quo privilegio etiam scholares ad quinquennium gaudent, de licentiâ tamen suorum Prælatorum, *dict. cap. fin.* si tamen status Ecclesiæ id permittat, & beneficium non fuerit parochiale.

Tertiò, Pro licentiâ docendi vel obtinendâ professurâ quidquam etiam sub prætextu diutinæ consuetudinis exigere prohibentur ii ad quos earum collatio spectat, adeò ut exactum restitui, & legis prævaricatores officio jubeantur privari. *cap. 2. § 3. b.t.* in hoc tamen simonia non committitur, sed turpe lucrum vocatur.

